



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Methodus Clara Et Facilis Vacandi Orationi mentali Atque Exercendi se cum fructu in præsentia Dei**

**Coloniæ Agrippinæ, 1687**

Caput XLII. De eo, qui Religiosis distribuit candelas.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

3. Dominus noster in mundo cùm ageret, lumen esse se mundi dicebat: *Quamdiu in mundo sum, lux sum mundi.* Verùm & nobis quoque commendavit, ut bonis operibus exempli nostri boni lumen emittamus, ut homines ea videntes, etsi hoc nos minimè cupiamus, Patrem cœlestem glorificent. *Sic luceat lux vestra coram hominibus, ut videant opera vestra bona, & glorificent Patrem vestrum, qui in cœlis est.* Matt. 5. 6.

## CAPUT XLII.

*De eo, qui Religiosis distribuit candelas.*

**M**Inimum, quod quis in Religione exhibet, obsequium, perquam semper honorificum & coram Deo meritorium est: finis istius est, ut à Monasterio animorum arceatur otiositas, ubi nempe cuique distribuuntur candelæ, ut lectioni ac bonorum librorum studio, tam regularibus horis serotinis, quàm diurnis incumbant. Atque ea causa est, cur candelabrum computetur inter suppellectilem cellulæ sancti Patris nostri Elisæi, qui omnibus Religiosis monasticæ suppellectilis formam exhibuit.

Hoc officio qui defungitur, potest ac debet sperare futurum, ut meriti sacrarum lectionum ac studiorum, quibus Monasterii Religiosi candelarum, quas illis ipse detulit, beneficio, vacant, particeps efficiatur. Illa etiam of-



fert Deo , quasi gloriæ ipsius studiosior ex-  
stans.

*Directio.*

Gratias ago tibi, Domine Deus, quod per ,,  
sanctam obedientiam injungendum mihi ,,  
curasti officium distribuendi candelas, idq; ,,  
obsequii genus Patribus ac Fratribus ,,  
meis, fidelibus servis tuis, præstandi. Illud ,,  
exequi cupio eâ charitate, diligentia ac mo- ,,  
destâ, ut tibi complaceam. Oro te per glo- ,,  
riofissimæ Virginis preces ac merita, hanc mi- ,,  
hi gratiam ut impertiaris. ,,

*Interior sub ipsa actione occupatio.*

1. Etiam, Domine, Religiosos divinarum  
ac supernaturalium scientiarum studiosos o-  
mninò esse oportet. Mentis otiositas ultra  
omnem tibi displicet modum. Eorum lectio-  
nes, scriptiones ac meditationes majorem tuam  
gloriam atque animorum procurandam salu-  
tem spectant universæ. In earum ego partem  
venire cupio, deque illis summè gaudeo.

2. Minimè omnium, anima mea, minimè,  
inquam, candelis fraudandi, aut parcè nimis  
donandi sunt illi, qui tempus suum ad eò fru-  
ctuosè impendunt, animum bonis rebus ut  
impleant. Legunt, atque æternis tuis, Domi-  
ne, veritatibus imbuuntur. Inde te ardentius  
amant, in tuo servitio ferventiores, atque ad  
alios in illis, quæ salutis ipsorum sunt,  
instruendos comparatiores  
evadunt.